

Strane investicije su put za unapređenje ekonomskih i okolišnih standarda u BiH

„RENEXPO® je prilika da se susretu institucije i razmijene stavovi, da se ukaže na probleme i iznađu rješenja. Od 2014. FIPA aktivno učestvuje na RENEXPO® sajmu, koji se izdvaja od ostalih događaja po kvalitetnim susretima sa pravim investitorima, kao i visokom kvalitetu okruglih stolova“ rekao je g. Amir Kazić iz Agencije za unapređenje stranih investicija u BiH (FIPA) na sastanku Savjetodavnog odbora u okviru priprema za međunarodni sajam RENEXPO® BiH koji će se održati od 24. do 25. oktobra u Sarajevu. Na sastanku su se okupili predstavnici nekih od najvažnijih institucija BiH i entiteskih vlada, ministarstava, agencija i stranih partera.

U skladu sa sugestijama članova Odbora odlučeno je da će se konferencije ove godine fokusirati na pitanja koja je neophodno riješiti za unapređenje investicione klime, ali i konkurentnost malih i srednjih kompanija i biznis sektor. "Problem izdavanja dozvola za izgradnju energetske postrojenja, dodjele koncesija, neka su od problema sa kojima se susreću investitori", rekao je Dr Matijas Šmit-Rozen, direktor Njemačke razvojne banke (KfW) u BiH.

Na potrebu poboljšanja okvira u oblasti zaštite voda ukazala je gospođa Zijada Redžić iz Federalnog ministarstva poljoprivrede, šumarstva i vodoprivrede BiH, i dodala kako je i u ovoj oblasti neophodno bolje definisati nadležnosti, na primjer nerješen status netretiranog mulja, koji kontaminira zemljište i vodu, kao i ekološku katastrofu u slivu rijeke Spreče. Po pitanju zaštite okoliša optimista je gospodin Mahir Hadžiabdić iz JKP Vodovod i kanalizacije Sarajevo koji najavljuje realizacije brojnih projekata u oblasti zaštite okoliša, i navodi kako postoji potreba za događajima koji bi okupili stručnjake i kompanije iz oblasti energetike i voda.

Svi prisutni su se složili da je održivi razvoj i unpređenje ekonomskih i okolišnih standarda u BiH u tijesnoj vezi sa stranim investicijama. Pozitivno je što rezultati sajma RENEXPO® govore da je interesovanje stranih kompanija za tržišta zemalja Zapadnog Balkana u porastu, jer u periodu od 2014. do 2017. godine RENEXPO® BiH bilježi konstantan porast inostranih kompanija - investitora, proizvođača opreme i distributera.

"Sarajevo očekuje još jedan uspješan međunarodni događaj u oktobru ove godine, koji okuplja ugledne kompanije i tržišne lidere", istakao je Johan Georg Rohm, direktor REECO Holdinga i dodao da međunarodni karakter sajma znači da i ove godine očekujemo oko 65% inostranih izlagača i 20% posjetilaca iz inostranstva.

Najavljeno je da se na RENEXPO® BiH očekuje posjeta preko 80 kompanija iz regiona, Europe i svijeta u oblastima **biogasa, biomase, hidroenergije, vjetroenergije, fotonapona, energetske efikasnosti u industriji** i u **zgradarstvu, zbrinjavanja otpada** (energija iz otpada), **upravljanja vodama i otpadnim vodama**, koje su prepoznale RENEXPO® BiH kao najbolju platformu za komercijalnu prezentaciju i povezivanje sa poslovnim partnerima.

RENEXPO® BiH će se ove godine održati po jubilarni 5. put u Hotelu Hills u Sarajevu gde sajamski program i obilje stručnih susreta pružaju konferencije, radionice, okrugli stolovi i B2B sastanci, sa ciljem da se razmijene znanja, predstave dostignuća i investicione prilike, kao i najnovija tehnička rješenja.

Kontakt osoba:
Nikola Jekić
Menadžer za marketing i komunikacije
REECO Holding d.o.o.
Petra Drapšina 33, 21 000 Novi Sad, Serbia
Fax +381-(0) 21 - 210 0151
☎ +381 (0) 21 - 210 1896
✉ jekic@reeco.eu
🌐 www.reeco.rs
🌐 www.renexpo-belgrade.com
🌐 www.renexpo-bih.com
🌐 www.renexpo-watermanagement.com

RENEXPO:

Vodeći internacionalni sajam u oblastima obnovljivih izvora energije i energetske efikasnosti sa profesionalnim konferencijama sjedinjenim u RENEXPO® brend dolazi četvrti put u Bosnu i Hercegovinu. RENEXPO® BiH će prezentovati alternative u proizvodnji grijanja i struje koristeći dostupnu biomasu (drvo) i izvore biogasa, tehničke i ekonomske potencijale u hidroenergiji i značaj u implementaciji projekata koji omogućavaju racionalno korištenje energije u konstrukciji, industriji i javnoj rasvjeti. RENEXPO® je prepoznat kao visoko-kvalitetna evropska energetska platforma kreirana kao najvažniji intustrijski sastanak ovog tipa.

REECO:

Organizujemo sajmove u oblasti obnovljivih izvora energije i energetske efikasnosti gradeći i obnavljajući saradnju sa nacionalnim i internacionalnim kompanijama, organizacijama, vlastima i ministarstvima. Kompanija REECO SRB d.o.o. iz Novog Sada čini dio REECO® grupacije sa sjedištem u Njemačkoj i kancelarijama u Poljskoj i Austriji. Srbijanski REECO tim organizuje događaje u Srbiji i Bosni i Hercegovini od 2013. godine. Od 1997. godine do danas, više od 50.000 profesionalca iz preko 70 zemalja su posjetili sajmove i konferencije ovog tipa svake godine, organizovane od strane REECO® grupacije. Mi radimo na visokokvalitetnoj ključnoj energetske platformi za umrežavanje i traženje novih potrošača. Jednostavno: Gradimo mostove i otvaramo vrata!

www.reeco.eu